
EW NAMOPUNG

A awora ukukun \$10,000 seni ewe Monienapen ewe Legislature-un Chuuk ren fan asengesin monien mwokutukutun ewe Truk Little League Baseball, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$10,000, ika fite ukukun moni mei namot ren an epwe naaf, seni ewe Monienapen ewe Legislature-un Chuuk ren fan asengesin monien mwokutukutun ewe Truk Little League Baseball.

Tetten 2. Ei ukukun moni mei kawor non Tetten 1 epwe einet ika nongeni ewe Board of Directors non ewe Little League Baseball, ewe epwe wisen tumunu nouncun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor kataun me nouncun ei moni epwe nap seni ei ukukun mei kawor. Met ukukun ei moni esemwo it ne nouncu ika nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.


Tetten 3. Ewe Board of Directors epwe awora an repot won napanapen nouncun me mwokutukutun ei moni, ngeni ewe Legislature me mwen April 15, 1982, epwe affatatiw:

(1) unusen porausen nouncun ewe moni, fongon me met ukukun nussun mei chiwen wor non April 1, 1982; pwan


(2) met sakkun atoot ika anapanap ren ewe nussun moni esemwo nouncu tori non April 1, 1982, an epwe nouncu non met ukukun nussun ewe Fiscal Year, nge och sopusopun repot epwe pwan kawor nefinen 20 ran me murin sponon ewe Fiscal Year, ngeni ewe Legislature ika ew committee mei finita, epwe affatatiw napanapen nouncun me mwokutukutun ewe nussun moni.

Tetten 4. Ei Namopung epwe poputa pochokunan non October 1, 1981,
ika a kapunguno me ren ewe Kepina, ika pusin winit, nge esemwo
kapunguno.


Sain seni:


Tadashi C. Wainit, Speaker
Truk Legislature


Annetata:


Datsi Albert
Legislative Clerk/Secretary
Truk Legislature

Pwinin maram:



Kapunguno seni:


Erhart Aten, Governor
Truk State Government

